



Broj: 27-14-30102/19
Sarajevo, 09.08.2019.godine

Na osnovu Zaključka Vlade Kantona Sarajevo broj: 02-05-29735-16/19 od 01.08.2019.godine,
Ministarstvo komunalne privrede i infrastrukture Kantona Sarajevo, raspisuje

JAVNI POZIV
za dodjelu prava korištenja stubova javne rasvjete na području Kantona Sarajevo za
postavljanje reklamnih panoa

1. PREDMET JAVNOG POZIVA

Predmet javnog poziva je dodjela prava korištenja stubova javne rasvjete na području Kantona Sarajevo za postavljanje reklamnih panoa na period od jednu (1) godinu sa početnim cijenama na sljedećim lokacijama:

- 1.) Općina Stari Grad, 91 reklamnih mjesta na stubovima javne rasvjete sa početnom cijenom po jednom stubu na mjesečnom nivou u iznosu od 50,00 KM,
- 2.) Općina Centar, 187 reklamnih mjesta na stubovima javne rasvjete, sa početnom cijenom po jednom stubu na mjesečnom nivou u iznosu od 50,00 KM,
- 3.) Općina Novo Sarajevo, 193 reklamnih mjesta na stubovima javne rasvjete, sa početnom cijenom po jednom stubu na mjesečnom nivou u iznosu od 30,00 KM,
- 4.) Općina Ilidža, 97 reklamnih mjesta na stubovima javne rasvjete, sa početnom cijenom po jednom stubu na mjesečnom nivou u iznosu od 25,00 KM,
- 5.) Općina Vogošća, 18 reklamnih mjesta na stubovima javne rasvjete, sa početnom cijenom po jednom stubu na mjesečnom nivou u iznosu od 15,00 KM,
- 6.) Općina Ilijaš, 18 reklamnih mjesta na stubovima javne rasvjete, sa početnom cijenom po jednom stubu na mjesečnom nivou u iznosu od 15,00 KM.



2. PRAVO UČEŠĆA

Pravo učešća imaju sva pravna lica koja su registrovana na području Bosne i Hercegovine za obavljanje djelatnosti reklamiranja i oglašavanja, koje su ispunile sve porezne i ostale obaveze, kao i redovno izmirene finansijske obaveze prema Kantonu Sarajevo.

Zahtjevi ponuđača koji nisu ispunili sve porezne i ostale obaveze, kao i da imaju dugovanje prema Kantonu Sarajevo po osnovu ranijih ugovora o korištenju stubova javne rasvjete za postavljanje reklamnih panoa neće se uzeti u razmatranje.

3. SADRŽAJ PONUDE

Ponuda obavezno treba da sadrži:

- 3.1 popunjen obrazac ponude (prilog broj 1. može se preuzeti na web stranici Ministarstva komunalne privrede i infrastrukture ili lično u toku trajanja javnog poziva ili u prostorijama Ministarstva komunalne privrede i infrastrukture Kantona Sarajevo, ulica Reisa Džemaludina Čauševića broj 1, sprat III, soba 321);
- 3.2 dokaz da je podnositelj registrovan za djelatnost reklamnog oglašavanja (original ili ovjerena kopija izvoda iz sudskog registra, ne starije od 6 mjeseci od dana objave Javnog poziva);
- 3.3 potvrda o izmirenim poreznim obavezama (original ili ovjerena kopija ne starija od 6 mjeseci od porezne uprave, ne starija od 6 mjeseci od dana objave Javnog poziva)
- 3.4 potvrda Ministarstva komunalne privrede i infrastrukture Kantona Sarajevo za ponuđače koji su prethodno imali ugovore o korištenju stubova javne rasvjete za postavljanje reklamnih panoa o redovnom izmirenju prethodnih finansijskih obaveza;
- 3.5 bankovna garancija za izvršenje ugovora u iznosu od 10% od vrijednosti ugovora za ponuđače koji budu imali najpovoljnije ponude odnosno sa kojim će se zaključiti ugovor (ponuđač je dužan dostaviti tri dana prije potpisa ugovora). U slučaju da ponuđač ne dostavi bankovnu garanciju u propisanom roku ugovor se neće potpisati te se ponuda smatra ništavom, a sljedeći najbolje rangirani ponuđač će se izabrati kao najpovoljniji.

Ponuda ne može sadržavati alternativne opcije niti se mogu podnositi. Ponuđači mogu dostaviti zajedničku dokumentaciju iz tački 3.2, 3.3 i 3.4 za više općina u jednoj koverti iz ovoga Javnog poziva.

Ponude uz koje budu dostavljene alternativne ponude, ponude koje budu sadržavale alternativne opcije, neblagovremene ponude, kao i ponude uz koje ne budu priloženi traženi dokazi neće se razmatrati.



4. KRITERIJI ZA ODABIR NAJPOVOLJNIJE PONUDE

Kriterij za odabir najpovoljnije ponude je pored ispunjenih uslova iz tačke 3.ovog Javnog poziva, najviši ponuđeni iznos godišnje zakupnine po stubu javne rasvjete na jednoj općini, odnosno ukupne godišnje zakupnine za sve stubove po jednoj općini iz tačke 1. predmeta Javnog poziva. Ukoliko dva ili više ponuđača imaju isti ponuđeni iznos (pored ispunjenih uslova iz tačke 3.ovog Javnog poziva), dužni su dostaviti nove ponude u roku od 5 dana od dana otvaranja ponuda sa novim ponuđenim cijenama, a početna cijena se uzima ona koju je predložio ponuđač u ovome Javnom pozivu na predmetnoj općini. Ukoliko i na drugom ponovljenom Javnom pozivu dva ili više ponuđača imaju isti ponuđeni iznos, Ministarstvo zadržava pravo odabira najpovoljnije ponude.

5. PREUZIMANJE DOKUMENTACIJE IZ JAVNOG POZIVA

Obrazac ponude (prilog broj 1), tehnički uslovi za postavljanje oglasnih površina stubova javne rasvjete (prilog broj 2) i spisak stubova javne rasvjete po općinama koje su predmet ovoga Javnog poziva (prilog broj 3) može se preuzeti na web stranici Ministarstva komunalne privrede i infrastrukture ili u prostorijama Ministarstva komunalne privrede i infrastrukture Kantona Sarajevo, ulica Reisa Džemaludina Čauševića broj 1, sprat III, soba 321 svakim radnim danom u vremenu od 08:00 do 12:00 sati.

6. PODNOŠENJE PONUDA

Ponuđač je dužan dostaviti jednu originalnu ponudu, koja mora sadržavati sve originalne dokumente ili od strane nadležnog organa ovjerene kopije na PROTOKOL Kantona Sarajevo – Ministarstvo komunalne privrede i infrastrukture, Ul. Reisa Džemaludina Čauševića broj 1 Sarajevo sa naznakom: "Za dodjelu prava korištenja stubova javne rasvjete na području Kantona Sarajevo za postavljanje reklamnih panoa NE OTVARAJ", do 23.08. 2019.godine do 12:00 sati.

U razmatranje će se uzeti samo one Ponude koje stignu do navedenog datuma i sata, bez obzira na način dostave.

Pored originalne ponude ponuđači su dužni da u koverti u kojoj dostavljaju originalnu ponudu dostave kopiju ponude koja će se otvarati samo u slučajevima kada se bude zahtijevalo utvrđivanje vjerodostojnosti originalne ponude.

Original i kopija moraju biti upakovane u zasebnim kovertama koje se zatim stavljaju u novu kovertu, odnosno iste moraju biti dostavljene u jednoj koverti.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



7. JAVNO OTVARANJE PONUDA

Obavit će se u Multimedijalnoj sali zgrade Kantona Sarajevo, dana 23.08.2019.godine u 12:15 sati, od strane Komisije koju je imenovao Ministar komunalne privrede i infrastrukture Kantona Sarajevo.

Otvaranju ponuda mogu prisustvovati jedan ili više ovlaštenih predstavnika ponuđača uz predočenje ovlaštenja u pisanoj formi.

NAPOMENA: Ukoliko nema kopije dostavljene ponude, ponuda se neće otvarati niti razmatrati.

8. OSTALE ODREDBE

O rezultatima javnog poziva učesnici istog biće pismeno obaviješteni u roku od **15 (petnaest) dana** od zaključenja javnog poziva.

Učesnici javnog poziva mogu u roku od osam dana od dana dostavljanja obavještenja izjaviti prigovor Ministarstvu komunalne privrede i infrastrukture Kantona Sarajevo.

Ugovor za postavljanje oglasnih površina na stubovima javne rasvjete na području Kantona Sarajevo zaključuje se na period do 1 (jedne) godine.

Ministarstvo komunalne privrede i infrastrukture Kantona Sarajevo ne snosi nikakve troškove ponuđača u postupku javnog nadmetanja, u slučaju da se poništi "Javni poziv", ne izvrši izbor najpovoljnijeg ponuđača ili odbije sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima, niti je u obavezi objasniti razloge takve odluke.

NAPOMENA: Odabrani ponuđač iz predmeta ovoga Javnog poziva dužan je reklamne panoje na stubovima javne rasvjete nabaviti i postaviti o svom trošku a prema tehničkim uslovima za postavljanje oglasnih površina stubova javne rasvjete (prilog broj 2).

Javni poziv će biti objavljen u dnevnom listu "Dnevni avaz" i na web stranici Ministarstva komunalne privrede i infrastrukture Kantona Sarajevo.

MINISTAR

mr.sc. Srđan Mandić



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1

